

## ¡BOMBA!

Pandemia nos deja duelos,  
se lleva nuestra confianza;  
a llenarse de esperanza,  
en un abrazo a los abuelos



# K'untzil

Viernes 28 de agosto de 2020

CAMPECHE · YUCATÁN · QUINTANA ROO · AÑO 6 · NÚMERO 1305 · www.lajornadamaya.mx

## CRESCENCIO PAT, U KA'A ÁABIL JACINTO PATE', "CH'ÍJ YÉETEL JACH TU BEEL ÚUCHIK U MÁANSIK U KUXTAL" TATARANIETO DE LÍDER MAYA VIVIÓ UNA "LARGA VIDA, MUY FELIZ"



FELIPE CARRILLO PUERTO. "Jach uts in wu'uyikimbáaj, ts'o'ok in ch'íjil ts'o'okole' jach uts in máansmaj in kuxtal"; leti'e' ts'ook t'aan tu beetaj yuum Crescencio Pat Cauich, máax jok'a'an ti' u moots Jacinto Pat, máax láak'inta'ab tumen Marcos Canté, juntúul u yéet óol máax yéetel tu múul beetaj u múuch'il meyaj tu'ux táakpaj uláak' u kajnáalilo'ob Señor, Felipe Carrillo Puerto. Tu jo'oloy ka'ap'éel k'iine', sa'at u kuxtal.

Ka'aj síj yuum Crescencioe' ma'atech u ts'íibta'al u k'aaba' máak je'el bix u beeta'al te'e k'iino'oba', le beetike' u jach ts'íibil walkila' ku ya'alik 98 bin u ja'abil úuchik u kíimil, ba'ale' u yéet óol Marcose', ku ya'alik "maanal ti' 100 u ja'abil, jach tak tu ts'ook k'iinil u kuxtale' bin meyaj ich kool, tumen jach tooj u yóol".

"Uts tu yich u ts'áak u muuk' u miatsil, ku kaláantik, ku chímpoltik yéetel ku k'i'itbesik ich kaaj, ku ka'ansik payalchi'ob, bix u ts'a'abal ínsiensóo".

Pat Cauiche', jkíim le 25 ti' agosoto máanika', u jka'a áabil jbáatab Jacinto Pat, máax jo'olbes u ba'ateltáambal Guerra de Castas, káaj tu ja'abil 1847. Tu beetaj u jbáatabil, beyxan u kóomandanteil u kili'ich kúuchil Tixcacal Guardia. Síj tu kaajil San José Primero, tu méek'tankaajil Felipe Carrillo Puerto, ti' kaja'aj ka'ach tu kaajil Señor, tu'ux jach k'ajóolta'an yéetel chímpolta'an ka'ach beey juntúul u "noolilo'ob" maaya lu'um.